



Nuuk, 21. december 2015

Inatsisartut Suleriaasianni § 37 naapertorlugu Naalakkersuisunut imaattumik apequteqarpunga.
(Inatsisartunut ilaasortaq Agathe Fontain, Inuit Ataqatigiit)

Apeqqutit:

1. Tarnimikkut napparsimallutik A1-mut unittartut ukiuni kingullerni pingasuni, qaammatikkaarlutik qanoq amerlatigaat?
2. Qassit pinngitsaaliissummik unippat /aappaluttumik allagartallit?
3. Inissat ulikkaaqqappat?
4. Qassit Telemedicin atorlugu ataavartumik attavigineqartarpat ?
 - a. Qanoq akulikitsigisunik?
5. Psykiaterit qassit ataavartumik atorfeqarpat?
6. Psykiaterit atorfinittartut, kingullerni atorfigisimasaat paasiniaaffigineqartarpat?

Tungavilersuut:

Tarnimikkut napparsimasut passunneqarnerat aalajaatsumik ataavartumillu tungaveqartariaqarpoq, taamaalilluni pisariaqanngitsumik pinngitsaaliilluni (aappaluttumik allagartalerlugit) unittariaqalersut ikinnerpaaffimmiissammata.

Nammineq oqaatsitik atorlugit passunneqarnissaat sapinngisaq tamaat aqqutigineqartariaqarpoq, paatsuinerit tamatumalu kinguneranik napparsimalernerit ikinnerussagaluarmata.

Iliuusissatut pilersaarut malinneqarnera pingaartuummat, paaserusuppara unitsitaasartut qanoq akulikitsiginersut.

Ullut suliffiusut qulit iluanni apeqqutit tamakkerlutik akineqarnissaat qinnutigissavara.